



JABATAN MUFTI NEGERI PERAK

بِسْمِ اللَّهِ الرَّحْمَنِ الرَّحِيمِ

KENYATAAN RASMI BIL. 16/2019

GESAAAN KEPADA UMAT ISLAM UNTUK MEMBACA QUNUT NAZILAH SETIAP SOLAT FARDHU UNTUK UMAT ISLAM UIGHUR

1. Allah SWT telah berfirman di dalam Surah al-Buruj, ayat 8:

وَمَا نَقَمُوا مِنْهُمْ إِلَّا أَنْ يُؤْمِنُوا بِاللَّهِ الْعَزِيزِ الْحَمِيدِ ﴿٨﴾

Maksudnya: *Dan mereka menyiksa orang-orang mukmin itu hanya kerana (orang-orang mukmin itu) beriman kepada Allah Yang Maha Perkasa, Maha Terpuji.*

2. Dunia telah mengetahui kekejaman kerajaan China terhadap etnik Uighur dan penduduk Islam lain di rantau Xinjiang yang sedang tular di media. Malah banyak negara secara rasmi telah mengecam tindakan zalim tersebut seperti Turki dan Britain. Namun terdapat juga negara-negara yang menyokong dasar China tersebut.
3. Sebagai umat Islam kita mesti mengambil perhatian yang serius tentang perkara ini, turut merasai kesengsaraan saudara muslim di sana dan mengecam keras tindakan kekejaman terhadap mereka, bukannya berpihak kepada musuh. Rasulullah SAW bersabda:

الْمُسْلِمُ أَخُو الْمُسْلِمِ، لَا يَظْلِمُهُ، وَلَا يُسْلِمُهُ، وَمَنْ كَانَ فِي حَاجَةِ أَخِيهِ، كَانَ اللَّهُ فِي حَاجَتِهِ، وَمَنْ فَرَّجَ عَنْ مُسْلِمٍ كُرْبَةً فَرَّجَ اللَّهُ عَنْهُ كُرْبَةً مِنْ كُرْبَاتٍ يَوْمَ الْقِيَامَةِ، وَمَنْ سَتَرَ مُسْلِمًا سَتَرَهُ اللَّهُ يَوْمَ الْقِيَامَةِ.

Maksudnya: *Orang muslim adalah bersaudara, tidak menzalimi, dan tidak menyerahkan saudaranya kepada kebinasaan, sesiapa di dalam hajat saudaranya Allah berada di dalam hajatnya, dan sesiapa menghilangkan kesusahan saudaranya Allah akan menghilangkan kesusahannya di akhirat sesiapa menyembunyikan aib saudaranya Allah akan menyembunyikan aibnya pada hari kiamat.*

4. Maka dengan ini, saya menggesa dan menyeru seluruh umat Islam khususnya di negara ini agar bersepakat menolak kekejaman yang dilakukan kepada etnik Uighur dan penduduk Islam di China. Marilah sama-sama kita membaca Qunut Nazilah dalam setiap solat fardhu, memohon doa agar saudara kita di sana diberi kekuatan dalam menghadapi kezaliman itu dan Allah memberi kemenangan kepada umat Islam dan membalas kekejaman pihak musuh.

Tan Sri Dato' Seri (Dr.) Haji Harussani Bin Haji Zakaria
Mufti Negeri Perak Darul Ridzuan

29 Rabi'ul Akhir 1441 H (Khamis)
26 Disember 2019 M